

մէկուն վրայ խօսքը կայ Ազիդիյէի գերեզմանատան: Մեր նախնիքները երբեք սովորութիւն չեն ունեցած ծնունդ կամ մահ արձանագրելու, հակառակ անոր որ միւսնոյն ձեռագրի մէջ հազար անգամ կրկնած են անպէտ իրողութիւններ: Այս տեսակէտով շատ գնահատելի է Հալէպի Մարօնիթ Մետրապոլտարանը, ուր ծննդեան և մկրտութեան կանոնաւոր և անընդմէջ արձանագիր կայ 1666էն սկսեալ: Մեր Ազգ. Առաջնորդարանի ծննդեան և մկրտութեան քիչ չափ կանոնաւոր, և մասամբ արաբերէն և անկէ ի վեր հայերէն արձանագիրը կ'սկսի 1843էն մինչև 1873ը՝ արաբերէնով: Հոս, պարտք կ'զգամ յիշատակելու որ Արժ. Տ. Յովհաննէս Ա. Քհնյ. Էթմէքճեան, ինքնաբերաբար, 1909էն սկսեալ կը պահէ, մինակը, Հալէպի կարեւոր և ընդարձակ կեդրոնին ծննդեան, ամուսնութեան և մահերու կանոնաւոր արձանագիրը: Ինչպէս ըսինք, 1650 թուականներէն ստղին, զգալի անկում մը կը յաջորդէ պատմական լուրջ արժէք ունեցող նախորդ ծաղկեալ չրջանին և կրօնական և ազգամէջ տիւր պայքարներ ժամանակ չեն տար մնայուն բաներու վրայ մտածելու: Իսկ Ազգ. Առաջնորդարանի յատուկ գիւան, բաւական կանոնաւոր, Մովսէս Վրդ. Կէօմրիւքճեանի օրով գոյութիւն ունի միայն, և ո՛չ աւելի յառաջ:

Մինչև երեք տարի առաջ, Ա. Քառասնից եկեղեցւոյ չրջավայրի բակ - գերեզմանատունը կը ներկայացնէր ողբալի վիճակ մը: Թէ՛ տապանաքարերը և թէ՛ մանաւանդ սալաշատակի քարերը ամբողջովին մաշած, կքած և մասամբ ելած էին: Չմեռ ատեն, Հալէպի յատուկ յորդանոսան անձրեւներու եղանակին, ջուրը կը լեցուէր արտաքին զոյգ մը մեծ գուռներու ետեւը, արգիլելով շատ անգամ ուխտաւորներու անցքը: Տեսարանը տգեղ էր մանաւանդ օտարներու աչքին, վասնզի սոյն բակին հարաւ-արեւելեան անկիւնն է Յունաց Ս. Գէորգ եկեղեցին, որ իբր անցք, մեր բակը միայն ունի անյիշատակ ժամանակէ ի

վեր, առանց սակայն սեպհականութեան իրաւունքի: Մեր կրկնակի ստիպումներուն վրայ 1932 ին, Ա. Քառասնից եկեղեցւոյ Թագականութիւնը ամբողջովին նորոգել տուաւ ընդարձակ բակը, օգտագործելով, ի հարկէ, անվթար մնացած քարերը, և այս առթիւ ծախսելով 103,77 Օսմ. հնչուն ոսկի: Բակը ունի 294,18 մէթր քառ. տարածութիւն:

Եկեղեցւոյ բակի հին սալարկը վերցուելու և նորը հիւսուելու պահուն երկու աշքառու երեոյթ գիտեցինք: Առաջնորդարանի երկաթեայ գրան բակին վրայ նայող մուտքին առջեւ երբ բանւորներ, բրիչներով հին քարերը կը վերցունէին, տեսանք որ մեծ քարերը գէպի վար կը կքէին. կեցուցինք զիրենք և տեսանք որ երկու մարդաչափ խոր և մէկ մարդաչափ լայն, մեծ կարասի մը կամ ջրամբարի մը ձևով, բոնոսէ չինուած տեղ մը կայ, բոլորովին պարապ և մաքուր: Ո՛չ եկեղեցւոյ պաշտօնականները և ոչ ալ տարէց հայեր չկրցան բան մը ըսել այս մասին: Մեր կարծիքով անիկա կա՛մ ջրամբար մըն է և կամ ձէթ պահելու շտեմարան: Նոյնութեամբ պահուեցաւ մէջտեղ ելած նկուղը:

Դա՛րձեալ գիտուեցաւ որ Զանգակատան ուղղութեամբ գէպի արտաքին գուռը տանող ներքնուղի մը կայ, բաւական խոր ու լայն, այդ մասին ալ ու եւէ բան զիտցող չեղաւ:

Կարգադրած էինք որ բակին մէջ գանուոյ իւրաքանչիւր տապանաքար շտկուելով, իր տեղը պիտի մնար նոյնութեամբ և կամ անընթեռնելի գրով տապանաքարերը պիտի սրբուէին և պիտի գրաւէին իրենց նախնական տեղը: Այս աշխատութիւնը եղաւ շատ մեծ ու չաղրութեամբ. բոլոր դամբարաններու արձանագիրները խնամքով ընդօրինակուեցան առանձին տետրակի մէջ, բակի յատակագծով և թուահամարով: Քահանայից դամբարանը, 12 տապանաքարերով, կը գտնուէր բակի հիւս. պատին առջեւ, Մարօնիթ նախկին եկեղեցւոյ կից, գետնէն վեր 30 սնդմ. բարձրութեամբ: Եւ որովհետեւ տարիներէ ի վեր